


增壹阿含經

第三十

二百六十八
聲十

4944/



2011

增壹阿含經卷第三十

符秦建元二年三藏曇摩難提譯

六重品之餘

聞如是一時佛在舍衛國祇樹給孤獨園。爾時尊者舍利弗往詣世尊所，頭面禮足，在一面坐。尔時舍利弗白世尊言：我今已在舍衛城夏坐，意欲人間遊化。世尊告曰：今正是時。舍利弗即從座起，頭面禮足，便退而去。時舍利弗去未久，有一比丘懷誹謗意，白世尊言：舍利弗與諸比丘共爭競，不懺悔。今遊行人間，尔時世尊告一比丘：汝速往持吾聲喚舍利弗。比丘對曰：如是。世尊佛勅目連阿難

馨

汝等使諸房中召諸比丘詣世尊所所以然者舍利弗所入三昧今當在如來前作師子吼是時諸比丘聞佛教已各集世尊所頭面禮足在一面坐是時彼比丘受世尊教即往至舍利弗所語舍利弗言如來欲得相見尔時舍利弗往至佛所頭面禮足在一面坐是時佛告舍利弗言卿向者去未久有一穢行比丘來至我所而白我言云舍利弗比丘與諸比丘共諍亦不悔過在人間遊化審實尔乎舍利弗白佛言如來自當知之世尊告曰我自知耳但今大眾各懷狐疑汝今於大眾中可以已辯而自明淨舍利弗白佛言自出

母胎年向八十每自思惟未曾殺生亦不妄
語正使於調戲之中亦不妄語亦復未曾鬪
亂彼此設不專意之時或能有此行耳我今
世尊心意清淨豈當與梵行人共鬪爭乎亦
如此地亦受淨亦使不淨屎尿穢惡皆悉受
之膿血洩唾終不逆之然此地亦不言惡亦

不言善我亦如是世尊心不移轉何得與梵
行人共諍而遠遊行心不專者能有此耳我
今心正何得與梵行人共諍而遠遊乎亦如
水亦能使好物淨亦能使不好物淨彼水不
作是念我淨是置是我亦如是無有異想何
得與梵行人共鬪而遠遊乎猶如熾火焚燒

山野不擇好醜終無想念我亦如是豈當有
意與梵行人共諍乎亦如掃灑不擇好醜皆
能除之終無想念猶如牛無其雙角極自良
善亦不覓暴善可將御隨意所至終不疑難
唯然世尊我心如是亦不興想有所傷害豈
當與梵行人共諍而遠遊乎亦如旃陀羅女
著弊壞衣在人間乞食亦無禁忌我亦如是
世尊亦無想念當興諍訟而遠遊也亦如脂
釜處處漏壞有目之人皆悉觀見處處漏出
我亦如是世尊九孔之中漏出不淨豈當與
梵行人共諍猶如女人年少端正復以死屍
繫彼女頸而馱患之世尊我亦如是馱患此

身如彼無異豈當與梵行人共諍而遠遊乎
此事不然世尊自當知之彼比丘亦當知之
設當有是者願彼比丘受我懺悔余時世尊
告彼比丘汝今可自悔過所以然者若不悔
者頭便破爲七分是時彼比丘心懷恐怖衣
毛皆豎即從座起禮如來足白世尊言我今
自知犯舍利弗唯願世尊受我懺悔世尊告
曰汝比丘自向舍利弗懺悔若不介者頭便
破爲七分是時彼比丘即向舍利弗頭面禮
足白舍利弗言唯願受我懺悔愚不別真介
時世尊告舍利弗汝今可受此比丘悔過又
以手摩頭所以然者若當不受此比丘懺悔

者頭破爲七分。尔時舍利弗以手摩頭語比丘曰：聽汝懺悔如愚如惑。此佛法中極爲曠大能隨時悔過者甚善。我今受汝懺悔後更莫犯如是再三是時舍利弗告彼比丘曰：汝更莫犯所以然者有六法入地獄六法生天六法至涅槃處云何爲六欲害他人我已起此害心便歡喜踊躍不能自勝我當教人使害他於中起害心已得害人於中起歡喜我當得此不馨之問未起此事便懷愁憂是謂有此六法令人墮惡趣云何有六令人至善處所謂身戒具足口戒具足意戒具足命根清淨無殺害心無嫉妬心是謂有此六法生於

善處去何修六法至於涅槃所謂六思念法
云何爲六所謂身行慈無瑕穢口行慈無瑕
穢意行慈無瑕穢若得利養之具能與人等
共分之而無悋想奉持禁戒無瑕疵智者所
貴如是之戒能具足諸有邪見正見賢聖出
要得盡苦本如是諸見皆悉分明是謂六法
得至涅槃汝今比丘當求方便行此六法如
是比丘當作是學尔時彼比丘重從座起礼
舍利弗足我今重自懺悔如愚如惑而不別
真唯願舍利弗受我悔過後不復犯舍利弗
曰聽汝悔過賢聖法中極爲曠大能自改往
修來莫復更犯尔時彼比丘聞舍利弗所說

歡喜奉行

聞如是一時佛在舍衛國祇樹給孤獨園尔
時世尊告諸比丘我今當說第一最空法汝
等善思念之諸比丘對曰如是世尊尔時諸
比丘從佛受教世尊告曰彼云何名為第一
最空之法若眼起時則起亦不見來處滅時
則滅亦不見滅處除假号法因緣法云何假
号因緣所謂緣是有是此生則生無明無明緣行
行緣識識緣名色名色緣六入六入緣更樂
更樂緣痛痛緣愛愛緣受受緣有有緣生生
緣死死緣愁憂苦惱不可稱計如是苦陰成
此因緣無是則無此此滅則無明滅無明滅

則行滅行滅則識滅識滅則名色滅名色滅則六入滅六入滅則更樂滅更樂滅則痛滅痛滅則愛滅愛滅則受滅受滅則有滅有滅則生滅生滅則死滅死滅則愁憂苦惱皆悉滅盡除假号之法耳鼻舌身意法亦復如是起時則起亦不知來處滅時則滅亦不知滅處除其假号之法彼假号法者此起則起此滅則滅此六入亦無人造作亦名色六入法由父母而有胎者亦無因緣而有此亦假号要前有對然後乃有猶如鑽木求火以前有對然後火生火亦不從木出亦不離木若復有人擗木求火亦不能得皆由因緣合會然後

有火此六情起病亦復如是皆由緣會於中
起病此六入起時則起亦不見來滅時則滅
亦不見滅除其假号之法因由父母合會而
有介時世尊便說此偈

先當受胞胎

漸漸如凍蘇

遂復如息肉

後轉如像形

先生頭項頸

轉生手足指

支節各各生

髮毛爪齒成

若母飲食時

種種若干饌

精氣用活命

受胎之原本

形體以成滿

諸根不缺漏

由母得出生

受胎苦如是

比丘當知因緣合會乃有此身耳又復比丘
一人身中骨有三百六十毛孔九万九千脉

有五百筋有五百虫八十戶比丘當知六入
之身有如是灾變比丘當念思惟如是之患
誰作此骨誰合此筋脉誰造此八十戶虫介
時彼比丘作是思惟時便獲二果若阿那含
若阿羅漢

介時世尊便說此偈

三百六十骨

在此人身中

諸佛之所演

我今亦說之

筋有五百枚

脉數亦如是

虫有八十種

九万九千毛

當觀身如是

比丘勤精進

速得羅漢道

往至涅槃界

此法皆空寂

愚者之所貪

智者心歡悅

聞此空法本

是謂比丘此名第一最空之法與汝等說如
來之所施行之法我今已為起慈哀心我今已
辦常當念修行其法在閑居之處坐禪思惟
勿有懈怠今不修行後悔無益此是我之教
訓如是諸比丘當作是學今時諸比丘聞佛
所說歡喜奉行

聞如是一時佛在舍衛國祇樹給孤獨園今
時生漏梵志往至世尊所共相問訊在一面
坐今時生漏梵志白世尊言瞿曇利利今日
意欲何求有何行業為著何教為究竟何事
婆羅門意欲何求有何行業為著何教為究
竟何事國王今日意欲何求有何行業為著

何教爲究竟何事盜賊今日意欲何求有何
行業爲著何教爲究竟何事女人今日意欲
何求有何行業爲著何教爲究竟何事尔時
世尊告梵志曰刹利種者常好鬪訟多諸伎
術好喜作務所作要究竟終不中休梵志問
曰梵志意何所求世尊告曰梵志意好祝術
要作居家樂閑靜之處意在梵天又問曰國
王意何所求世尊告曰梵志當知王意所欲
得國故意在兵仗貪著財寶盜賊意何所求
世尊告曰賊意盜竊心在姦邪欲使人類不
知所作女人意何所求世尊告曰女人意在
男子貪著財寶心繫男女心欲自由尔時梵

志白世尊言甚奇甚特盡知尔許之變如實
不虛今日比丘意何所求世尊告曰戒德具
足心遊道法意在四諦欲至涅槃此是比丘
之所求也是時生漏梵志白世尊言如是世
尊比丘所行意不可移轉其義實尔瞿曇涅
槃者極爲快樂如來所說乃爲過多猶如盲
者得視聾者得聽在闇者見明今日如來所
說亦復如是而無有異我今國事猥多欲還
所止世尊告曰宜知是時是時生漏梵志即
從座起遶佛三帀便退而去尔時生漏梵志
聞佛所說歡喜奉行

聞如是一時佛在舍衛國所樹給孤獨園尔

時生漏梵志往至世尊所頭面禮足在一面
坐介時梵志白世尊言此中頗有比丘云何
得修梵行無有缺漏清淨修梵行世尊告曰
若有人戒律具足而無所犯此名清淨得修
梵行復次梵志若有眼見色不起想著不起
識念除惡想去不善法得全眼根是謂此人
清淨修梵行若耳聞聲鼻嗅香舌知味身知
細滑意知法都無識想不起想念清淨得修
梵行全其意根如此之人得修梵行無有缺
漏婆羅門白佛言何等之人不修梵行不具
足清淨行世尊告曰若有人俱會者此名非
梵行婆羅門白佛言何等之人漏行不具足

世尊告曰若有人與女人交接或手足相觸
戢在心懷而不忘失是謂梵志行不具足漏
諸婬姝與婬怒癡共相應復次梵志或與女
人共相調戲言語相加是謂梵志此人行不
全具漏婬怒癡梵行不具足修清淨行復次
梵志若有女人惡眼相視而不移轉於中便
起婬怒癡想生諸乱念是謂梵志此人梵行
不淨不修梵行復次梵志若復有人遠聞或
聞哭聲或聞笑聲於中起婬怒癡起諸乱想
是謂梵志此人不清淨修梵行與婬怒癡共
相應行不全具復次梵志若有人曾見女人
後更生想憶其頭目於中生想在屏閑之處

生姪怒癡與惡行相應是謂梵志此人。不修
梵行是時生漏梵志白世尊言甚竒甚特此
沙門瞿曇亦知梵行亦知不梵行亦知漏行
亦知不漏行所以然者我今亦生此念諸有
人民與女人手足相加起諸亂想我時便生
此念此人行不清淨與姪怒癡共相應第一
更樂者女人是也第一可欲者所謂眼眼相
視然彼女人或語或笑繫綴男子或共言語
而繫縛男子是時我便生此念此六人盡行
不清淨行如來今日所說甚過猶如盲者得
目迷者見路愚者聞道有目之人見色如來
說法亦復如是我今自歸佛法衆自今之後

不復殺生唯願受爲優婆塞今時生漏梵志
聞佛所說歡喜奉行

聞如是一時佛在毗舍離城外林中與大比
丘衆五百人俱介時尊者馬師到時著衣持
鉢入城乞食是時薩遮尼捷子遙見馬師來
即往語馬師曰汝師說何等義有何教訓以

何教戒向弟子說法乎馬師報曰梵志色者
無常無常者即是苦苦者即是無我無我者
即是空也空者彼不我有我非彼有如是者
智人之所學也痛想行識無常此五盛陰無
常無常者即是苦苦者即是無我無我者即
是空空者彼非我有我非彼有卿欲知者我

師教誡其義如是與諸弟子說如是義是時
尼捷子以兩手掩耳而作是言止止馬師我
不樂聞此說設瞿曇沙門有此教者我實不
樂聞所以然者如我義者色者是常沙門義
者色者無常何日當見沙門瞿曇與共論義
當除沙門瞿曇顛倒之想尔時毗舍離城五
百童子集在一處欲有所論是時尼捷子往
至五百童子所語童子曰汝等皆來共至沙
門瞿曇所所以然者意欲與彼沙門瞿曇共
論使彼沙門得見正諦之道沙門所說者色
者無常如我義者色者是常猶如力士手執
長毛之羊隨意將東西亦無疑難我今亦復

如是與彼沙門瞿曇論議隨我捉捨而無疑
難猶如猛象兇暴而有六牙在深水中戲亦
無所難我今亦復如是與彼論議亦無疑難
猶如兩健丈夫而捉一劣者在火上炙隨意
轉側亦無疑難我今與彼論議亦無疑難我
論議中尚能害鳥何況人乎亦能使鳥東西
南北豈不如人乎今此講堂樑柱無情之物
尚能使移轉何況與人共論能勝我乎使彼
沸血從面孔出而命終其中或有童子而作
此言尼捷子終不能與沙門論議但恐沙門
瞿曇與尼捷子論議耳或有作是說沙門不
能與尼捷子論議尼捷子能與沙門共論議是

時旡捷子便作是念設令沙門瞿曇所說如馬
師比丘者足得相疇若更有義者聞已當知
是時旡捷子將五百童子前後圍遶往至世
尊所共相問訊在一面坐是時旡捷子白世
尊言云何瞿曇有何教誡以何教誡訓諸弟
子佛告旡捷子我之所說色者無常無常即
是苦苦者即是無我無我者即是空空者彼
非我有我非彼有痛想行識及五盛陰皆悉
無常無常即是苦苦者無我無我者是空空
者彼非我有我非彼有我之教誡其義如是
旡捷子報曰我不樂聞此義所以然者如我
所解義色者是常世尊告曰汝今專其心意

思惟妙理然後說之。旡捷子報曰：我今所說色者，是常。此五百童子其義亦尔。世尊告曰：汝今所說色者，是常。此五百童子其義亦尔。世尊告曰：汝今以己之辯說之，何為引彼五百人乎？旡捷子報曰：我今說色是常。沙門欲何等言論？世尊告曰：我今說色者，無常亦復無我權詐。合數有此色，名亦無真實。無固無牢，亦如雪揣，是摩滅之法。是變易之法。汝今說色者是常。我還問汝隨意報我云：何旡捷子轉輪聖王還於己國，得自在不乎？又彼大王不應脫者而脫之，不應繫者而繫之，可得尔乎？旡捷子報曰：此聖王有此自在之力，不應殺者能殺之，不應繫者能繫之。世尊告曰：云何旡捷子。

轉輪聖王當復老乎頭白面皴衣裳垢坩是
時左捷子默然不報世尊再三問之彼亦再
三默然不報是時密迹金剛力士手執金剛
之杵在虛空中而告之曰汝今不報論者於
如來前破汝頭作七分今時世尊告左捷子
曰汝今觀虛空中是時左捷子仰觀空中見
密迹金剛力士又聞空中語設汝不報如來
論者當破汝頭作七分見已驚恐衣毛皆豎
白世尊言唯願瞿曇當見救濟今更問論當
相酬對世尊告曰云何左捷子轉輪聖王當
復老乎亦當頭白齒落皮緩面皴耶左捷子
報曰沙門瞿曇雖有此語如我議者色者是

常世尊告曰汝善思惟而後報之前之與後
義不相應但且論聖王當復老乎亦當頭白
齒落皮緩面皺耶尼捷子報曰轉輪聖王許
使老耶世尊告曰轉輪聖王常能於己國得
自由何以故不能却老却病却死我不用老病
死我是常之應欲使然者其義可乎是時尼捷子
默然不對愁憂不樂寂然不語是時尼捷子身體汗
出汗于衣裳亦徹坐處乃至於地世尊告曰
尼捷子汝在大衆中而師子吼汝等童子共
我至瞿曇所與共論議當降伏如捉長毛之
羊隨意東西而無疑難亦如大魚入深水中
隨意自遊亦無所畏亦如兩健丈夫捉一劣

者在火上炙隨意轉側汝復說我常能論害
大魚如此樑柱草木斯皆無情與共論議能
使屈伸佞仰亦能使腋下流汗今時世尊舉
三法衣示居士捷子曰汝觀如來腋無流汗然
汝今日反更有汗乃微乎地是時居士捷子復
默然不對今時有童子名曰頭摩集在彼衆
中是時頭摩童子白世尊言我今堪任有所
施行亦欲所說世尊告曰隨意說之頭摩童
子白佛言猶如去村落不遠有好浴池然彼
浴池有虫饒脚然村落人民男女大小往至
浴池所而出此虫各各以瓦石取此虫打之
傷破手脚彼虫意中欲還入水者終無此事

此居捷子亦復如是初意猛盛與如來共論
心懷妬意兼抱憍慢如來盡以除之永無有
餘此居捷子更終不能重至如來所而共論
議是時居捷子語頭摩童子曰今汝愚惑不
別真偽亦不與汝共論乃與沙門瞿曇共論
是時居捷子白佛言唯問議理當更說之世
尊告曰云何居捷子轉輪聖王欲使老病死
不至可得乎彼聖大王果此願耶居捷子
報曰不果此願也欲使有此色欲使無此色
此可果乎居捷子報曰不果也瞿曇世尊告
曰云何居捷子色者是常爲是無常居捷子
報曰色者無常設復無常爲變易法汝復見

此是我許我是彼有乎對曰不也瞿曇痛想
行識爲是常爲是非常對曰無常世尊告曰
設復無常爲變易之法汝頗見有乎對曰無
也世尊告曰此五盛陰是常無常也尼捷子
報曰無常也佛言設復無常爲變易法汝頗
見有乎對曰無也云何尼捷子汝言是常此
理不與義相違乎是時尼捷子白世尊言我
今愚癡不別真諦乃興此懷與瞿曇共論言
色是常猶如猛獸師子遙見人來有恐怖心
乎終無此事今日如來亦復如是無有毫釐
我今狂惑未明深義乃敢觸燒沙門瞿曇止
止瞿曇所說過多猶如盲者得眼聾者徹聽

迷者見路無目者見色沙門瞿曇亦復如是
無數方便而為說法我今自歸沙門瞿曇法
比丘僧自今已後盡形壽聽為優婆塞不復
殺生唯願瞿曇及比丘僧當受我請欲飯佛
及比丘僧今時世尊默然受請是時尼捷子
見世尊默然受請即從座起遶佛三匝頭面
禮足而去往詣毗舍離童子所到已語童子
曰汝等所應供養我具當以時給我莫以非
時我今請沙門瞿曇及比丘僧明當飯之是
時諸童子各辦飯食之具持用與之是時尼
捷子即以其夜供辦種種甘饌飲食敷好坐具
而白時到今正是時唯願屈神是時世尊到

時著衣持鉢將諸比丘僧入毗舍離往至旃
子家到已就座及比丘僧各次第坐是時旃
捷子已見佛比丘僧坐定自手斟酌行種種
飲食見佛比丘僧食訖行清淨水更取一小
座在如來前坐欲得聞法尔時世尊漸與說
妙論所謂論者施論戒論生天之論欲為穢
惡婬不淨行出要為樂尔時世尊已見旃捷
子心開意解諸佛世尊常所說法苦習盡道
盡與彼旃捷子說之是時旃捷子即於座上
諸塵垢盡得法眼淨是時世尊便說此偈
祠祀火為上 詩書頌為首 人中王為最
衆流海為原 星中月為明 光明日最勝

上下及四方 諸地所出物 天及人民類
佛爲無上尊 欲求其德者 三佛爲最上
今時世尊說此偈已即從座起而去是時左
捷子五百弟子聞師受佛教化聞已各各自
相謂言我等大師云何師宗瞿曇是時諸弟
子出毗舍離城在中道立是時左捷子欲至
佛所聽法是時世尊與左捷子說法勸令歡
喜左捷子聞法已即從座起頭面礼足便退
而去是時左捷子弟子遙見師來各各自相
謂言此沙門瞿曇弟子今著道來各各取瓦
石而打殺之時諸童子聞左捷子爲弟子所
殺往至世尊所頭面礼足在一面坐今時諸

童子白世尊言如來所可教化及捷子者今
爲弟子所殺今已命終爲生何處世尊告曰
彼是有德之人四諦具足三結使滅成須陀
洹必盡苦際今日命終生三十三天彼見彌
勒佛已當盡苦際此是其義當念修行今時
諸童子白世尊言甚奇甚特此是捷子至世
尊所欲搆議論還以己論而自縛束受如來
化夫見如來者終無虛妄猶如有人入海取
寶必有所剋獲終不空還此亦如是其有衆
生至如來所者要得法寶終不空還今時世
尊與諸童子說微妙法令使歡喜今時諸童
子從佛聞法已即從座起而遶佛三匝頭面

礼足便退而去尔时诸童子闻佛所说欢喜奉行

增壹阿含经卷第三十

馨

洩唾替上音掃箒下之九反兀其上吾骨反腹釜也正
瑕疵反上音鑽木官上反擗木正上

亦反正作祝術右及全全二同戢側立反姪姝
上夷今反下夷一反屏閑上音餅繫綴下知炙音隻疇
下夷今反下夷一反雪揣下音面皴下側瘦反垢圻下古反
与劫皮緩下胡慢屈申下申腋音亦掬議
上音角比也下正作藝伎也

